

Naunaitkutaq

Akhuurutauyumik Meningococcal Aaniarut (IMD)

Hunaukmat Akhuurutauyumik Meningococcal Aaniarut (IMD)?

IMD aaniarutauyuq malruuknik akhuurutimik pipkaitjutauyuq, ilaani huipkaitjutauyuq aaniarut:

- Aaniarut qaangani qaritauyap qitianilu naunaittuq meningitis-mik; uuminngaluuniit
- Qayangnaqtumik aukmi aaniarut naunaittuq bacteraemia-mik.

Qanuqtut hiamitiqtauvia?

IMD hiamitiqpaktuq kahagaangat qalak (tivvuaq) puvakmiluuniit kuviyunit aaniaqtumit hiamitiqtauvia. Kahagaqniqmik inukmik, kunkuqtumik, niriqatigiikkumik/niuqqarumik atauhiqmit kapurautinit aluutinitluuniit atauhiqmit higaarumikluuniit angikliyuumiutivagaa hiamitiqninga.

Kitkut aaniarutittaaqqat?

Kitkut inuit meningococcal aaniarutittaaqtut, kihimi amigaittut kahakkumik aaniarutinganik aanialimaittut.

Ilangit inuit kahaktutigumik (una uuktutigilugu; ilagiiktut) talvannga havautituqtukhat. Ilani kahaktutigumik tahapkunatitut havavikmi sikuurvikkiluuniit naamaktut. Munarhitkut havakniaqqut talvunga naunaiyariamiknik uqaqatigilugitlu tahapkuat aaniarutiqarniaruknaqhiyut.

Hunaukmata naunaitkuta IMD-qaliruvit?

Naunaitkutingit pivaktut qilaminnuaq kitjakniaruknaqhiyut, niaquqliuqluni, qunghunga ulurianaqhiluni, mirianguumi, mirialiqqatluuniit mikkannuaq taavyaktuq kilaaq puvipkangittuq. Inuit aaniarutilgit uuminnga aaniaqpaktut ilaani naluhaliqtumik piyut, ninngaktaalaqiplunik uinngainnaliqtumiklu.

Hunaukmat mamihaitjutinga?

Havautit atuqtaunnginnarialgit mamihaigiami meningococcal aaniarut; qilaminnuaq paqigumitku aaniarutinga havauhikhantlu akhuurutauyuq.

Qanuqtut IMDmik aaniaqtailitjutigiva?

- Uqaqatigilugu munarhitkut pinariaqaqqat meningococcal kapurhiqninnanganut.
- Algaktit uaqpaklugit irmiutimik nakutqiayauyuq aaniaqtailiniqmik hiamitinnaittumiklu qupirunganik. Inuit uaqtakharaluangit algangit qalakhuruirumi takyururumilu, havaktinnanilu havaguirumilu aaniaqtumik .
- Niriqatigihuiqluni, niuqqaqatigihuiqluni atauhiqmit gallutimit, higaaqatigihuiqlugu atauhiqmkig higaaqmik, aturuiqluni atauhiqmi aluutimik kapurautimik, kigutimutlu halummaqtinik.
- Inikhaqaqtitpaklugit iglutit havavikititlu.
- Uqaqatigilugu munarhit tingminahualiruvit aussaimut. Munarhi naunaipkainiaqqaatit qayangnaqqat meningococcal aaniarutimik aullarahuaruvit. Tingmitilutit kapurhiit atuinnarialik inuknut pulaaqtut ilanganut autsaimi piqalluangittumi qayanganaqtunik meningococcal aaniarutinnaittumik.

